

ماده سی موجب جبه سرقت عادیه جزاسی اعطا
اولنور .

صوڭ

م . عاصم

صناعی

ماکنه اعمالنده مستعمل معدنیاتک قوه

تحمیلیه لرندن برنبده

ماکنه اقسامندن هر هانکی برینه تطبیق اولنان
ثقلت و یا قوای خارجیه نک تأثیری قسم مذکورک
اجزای فردیه لری بپننده برشدتی موجب اولوب
بالاخره جسم مزبور قیرمق و یا خود تبدیل شکل
ایتدیرمک عارضه سنه دوچار ایده جکندن اجزای
فردیه مذکورک ثقلت مزبوره یه مقاومت ایتسی یعنی:
ماکنه اقسامنک هر نوع قوای مضرة عارضه یه
مقاومت ایتک اوزره حساب و اعمال اولنملری
اقتضا ایدر. اقسام مذکوریه تأثیر ایدن ثقلت
و یا قوای خارجیه نک تأثیری صورت دائمده تزیاید
ایدر ایسه نهایت الامر اقسام مزبوره یی قیرمغه
و یا بموشاق ایسه کلیاً شکلی تبدیل ایتمکه سبب
اولور . بنسأ علیه قوای مختلفه متنوعه نک تحت
تأثیرنده بولنان اجسامک قوه تحمیلیه لری اقسام
مزبوره نک شکلنک تبدل ایتسی و یا خود قیرلمسنه
بادی اولان مقاومت اعانه سیله تعین اولنور. هر قنی
برقوتک تحت تأثیرنده بولنان بر جسمک شکلنک
تبدل ایتامسی ایچون جسم مذکورک قوای
مذکوریه مقابل اولان مقاومت داخلیه سنه ستریس
Stress تسمیه اولنوب مقاومت مؤثره ، مقاومت
داخلیه مقامنده استعمال اولنورق بهر پوس مرینک
مساحه سطحیه سیچون لبره یا خود طونه جهتیله
افاده اولنور .

بر جسمه تطبیق اولنان ثقلتک جهت تأثیرینه
نظراً جسم مذکورک تخلف ایدن قوه تحمیلیه سی
آتیده کوسترلدیکی وجه اوزره در :

کرله : چکیلوب ایکی یه آیرمق
تضییق : ازمک

عرضانی: عرض استقامتده قیرمق
کسله : عرض استقامتده کسمک

ماکنه اقسامندن هر هانکی برینه تأثیر ایدن
ثقلت اول قسمه تطبیق اولنان قوای خارجیه
مجموعندن عبارت اولوب قسم مزبورک ثقلتی و بوکا
مربوط اولان قسملرک ثقلتری و دلك و تماس
یا خود عطالت و نقل اولنان تضییقاتک تأثیری دخی
ثقلت مذکوریه داخل اولور . خصوصات مهمه
مذکوریه آشاعیده تعریف اولنه جنی وجه ایله
ایضاح اولنور .

۱ ایضاسی ملتزم اولان فعلک ، حصوله
کتوردیکی مقاومت .

۲ ماکنه اقسامنک دلك و تماسنه عائد اولان
مقاومتدر .

۳ ماکنه اقسامنک ثقلته عائد اولان تأثیر
مقابلدر .

۴ سرعتک تبدلنه عائد اولان عطالتک
تأثیردر .


۵ جهت حرکتک تبدلنه عائد اولان قوه
عن المکزیه در .

۶ حرارتک تبدلیله حصوله کلان تأثیردر .
ایمدی ماکنه اقسامنک هر برینه تأثیر ایدن
ثقلت و یا مقاومت فعل مفیده نک تبدلیله و ماکنه
سرعتک تخلفیه و اقسام مزبوره موقعلرینک تبدلیله
تخلف ایتدیکندن بوجهتله ماکنه اقسامندن هر
پرینک قوتی اوزرلرینه تأثیر ایدن هر نوع قوای

عارضیه مقاومت ایتک اوزره حساب و اعمال
اولنملری لازمدر .

سلیماه قدری

مترجم



مترجمی

محرری

م . زاهر

الکساندر درمانیسی

— ه نیچی نسخه دن بری مابعد —

بوسلردن بری که کوزلرندن یاش آقان بر
اختیار قادینک سسی ایدی ، : — بوسنک قباحتنک ،
سر سری ! دیدی . عربجه ده : — اونوی او یکزده
براقه ایدیکز ، جوانی ویردی .
شوالیه غایت مراق ایله : — نه اولدی؟ دیه
صوردی .

اختیار قادین : — بواحق حریف کوپکک
باجانی ازدی . دیهرک قوجاغنده طوران
واوخشاندینی حالده ینه جان آجیسیله حاویالان
کوپکی کوستردی . حیوانک باجانی آل قانلر ایچنده
صارقه قالمشدی . شوالیه بونی کورر کورمز ،
رنکی آتدی ، حایقیره رق آرقه سی اوستی یره
دوشدی ، باییلدی .

بوصیره ده اوشاغی یتیشه رک حسسز بر حالده
شوالیه یی اوینه کوتوردی . جلب ایدیلان حکیم

شوالیه آزیچق کندینه کلیرکلز بارونی آرامسی
ایچون اوشاغنه امر ویردی . حکیم بو امری
ایشتمش ایدی . خسته یه « نه اولدیکز ؟ » دیه
صوردی . خسته ده یاره لی بر کوپک کوره رک
قنالشدیغنی سویلیدی .

— بشقه برشی یوقی ؟

— خیر .

— نره کزدن مضطربسکز ؟

— قلمدن .

— شهسز حساسسکز ؟

— اویله کورینیور . عجب خسته لغم تهله کیمیمی ؟

— خیر . شمیدی بکله دیککز کیمدر ؟

— برقادین .

— سودیککز ؟

— اوح ، اوت دوقور .

— پکی ، اوکلنجه یه قدر سز براز استراحت

ایدکز .

حکیم طیشاری یه چیقهرق بارونک کچه جکی
سالونده بکلمکه باشلادی . آرزکره بارون رنکی
آتمش ، تلاشلی بر حالده کوروندی . دوقوره
« فصلدر ؟ » دیه صوردی .

— شوالیه یی سورمیسکز ، مادام ؟

— اوت افندم .

— خیلی زماندن بریمی طانیرسکز ؟

— بوسوالر نیچون ؟

— شوالیه نک حیاتنده خارق العاده کچمش